

Dalše namjety schwalene

Drježdžany/Njebjelčicy (SN/at). Lisćina namjetowanych kandidatow za přenje wólby Serbskeho sejma so powjetša. Čłonam Drježdžanskeho towarstwa Stup dale předstajichu so wčera tři Serbja, kotřiž chcedža rady nastupić. „Njeje rozsudne, hač woni našemu cyłkej přisłušeja, ale zo chcedža za naš lud džětać. Jako Stup dale chcemy po tutym puću dalšim zajimcam kandidaturu zmóžnić“, rjekny Jadwiga Pjacec našemu wječornikej.

Tak su Stefan Nawka z Berlina, dr. Tomaš Wornar z Drježdžan a Jan Kosyk z Delnjeje Łužicy wčera swoje zaměry za skutkowanje w Serbskim sejmje rozložili. Jich wuwjedženja přitomnych přeswědčichu, a su wšitkich třoch za kandidaturu namjetowali.

Dwě kandidaturje za wólby serbskeho parlamenta poda wčera tež Njebjelčanske Domizniske a kulturne towarstwo. Na swojej zhromadźiznje namjetowachu sobustawojo wjesnjanostu a člona iniciatiwneje skupiny Tomaša Čornaka kaž tež Sofiju Cyžec z Berlina.

Serbske towarstwa móža hišće hač do póndzele, 10. septembra, w 16 hodź. swoje wólbne namjety zapodać.